

AGAMA ITU NASIHAT

DIDIKAN AKHLAK

(3)

Kelebihan dan kekurangan manusia

Dalam makalah yang lalu telah saya terangkan bahawa manusia mempunyai kelebihan daripada yang lainnya itu ialah dengan akal. Ilmu pengetahuan dan akhlak yang baik. Kalau kita periksa lebih dalam nescaya kita dapat manusia itu sememangnya mempunyai kelebihan daripada yang lainnya dalam rohani dan jasmaninya.

Kelebihan manusia dalam rohaninya ialah ia mempunyai akal dan kebijaksanaan. Dengan akal ia dapat berfikir, boleh mencari ilmu pengetahuan, dan boleh memisahkan di antara manfaat dan mudharat, di antara baik dan buruk. Dengan kebijaksanaan dapat ia menyelenggarakan dirinya, meriwayatkan sesuatu perkara yang pelik dan sulit. Tetapi keadaan haiwan tidak yang demikian itu, walaupun seluruhnya boleh merasa, dan sebahagiannya pula boleh merasa, dan sebahagiannya pula boleh bermenung, tetapi menungannya tidak bermakna dan perasaannya tidak membangkitkan semangat, kerana ia tidak mempunyai akal alat untuk berfikir, tidak pandai meriwayatkan kejadian, tak sanggup menghuraikan yang ghaib, tidak mengetahui penyakit sesuatu perkara, dan tidak tau pula sebab-sebabnya menjangkit penyakit-penyakit itu.

Kelebihan dalam jasmani pula manusia mempunyai anggota dan pancaindera yang sempurna yang tiap-tiap satu bahagiannya mempunyai pekerjaan yang tertentu. Jalan dan berdirinya tegak – tidak merayap seperti ular, tak meloncat seperti katak; tangannya dapat bekerja membuat alat-alat, dan mengambil barang-barang untuk keperluan hidupnya, ia tidak

mengambil dengan mulutnya seperti kambing atau dengan belalainya seperti gajah; lidahnya pandai berkata-kata dengan lancar, boleh menghuraikan isi hati dan fikirannya dengan mengetahui maksud tujuannya dan difaham pula oleh pendengarnya – bukan seperti burung tiung yang berkata-kata tetapi ia sendiri tidak mengetahui dan maksudnya; mata dan telinga menjadi alat yang mustahak untuk menerima pengajaran dan ilmu pengetahuan walhasil bentuk, rupa, bangun dan perdirian manusia itu memang sebaik-baiknya kalau tidak masakan Allah katakan (maksudnya) : “Sesungguhnya kami telah jadikan manusia itu atas sebaik kejadian” – Al-Quran At-Tin ayat 4.

Firman Allah lagi (maksudnya): “Dan ia telah jadikan kamu, maka ia baguskan rupa-rupa kamu” – Al-Quran surah Al-Mukminun ayat 64.

Lebih lanjut Allah berfirman lagi (maksudnya) : “Sesungguhnya kami muliakan anak Adam (manusia), dan kami tempatkan mereka di daratan dan di lautan, dan kami kurniakan mereka dengan barang yang baik-baik, dan kami lebarkan mereka sungguh atas kebanyakan makhluk yang telah kami jadikan” – Al-Quran surah al-Isra’ ayat 70.

Dari pada ayat-ayat yang tersebut di atas ini lebih terang lagi bagi kita bahawa manusia itu atas sebaik-baik perdirian dan rupa. Boleh ia tempatkan di daratan atau lautan, bahkan tidak ada halangan kalau ia mau bertempat di udara; tidak sebagai haiwan yang sebahagiannya hanya boleh hidup di daratan sahaja, di lautan sahaja, atau di udara sahaja. Manusia diberi rezeki yang baik, tidak sebagai haiwan yang kebanyakannya memakan sisa-sisa manusia dan sebahagiannya memakan kotoran-kotoran.

Manusia sekalipun ketika dizahirkan ke alam al-wujud tidak diberi bersenjata seperti singa, harimau dan gajah, diberi bertaring, lebah dan tebuan diberi bersengat, lembu, kerbau, kambing dan biri-biri bertanduk, ular berbisa, kala bersepit, burung dan kucing berkuku; tidak pula manusia itu diberi berpakaian sebagai siput dan tiram, berkulit tebal dan berbenteng

sebagai kubu dan kuda-kuda tetapi dengan pemberian akal dan fikiran dapat ia mencepatkan semuanya itu, dapat ia memakai kalau mau menggunakan dan dicampakkan kalau tidak berguna lagi; bukan sebagai haiwan yang bersenjata dan berumah lekat pada buatannya dan kalau berpisah, kekurangan atau binasa.

Sesungguhnya manusia diberi kelebihan daripada yang lainnya dengan akal atau ilmu pengetahuan maka tidak boleh ia sesiakan atau gunakan pada yang bukan tempatnya. Ini wajib menjaga dan memelihara supaya kelebihan itu tetap ada padanya.

Kalau kita perhati keadaan manusia itu dari segi makanan dan keturunan adalah ia sebagai tumbuhan-tumbuhan; dari arah merasai dan bergerak adalah ia sebagai haiwan; dari arah bentuk dan rupa, ia sebagai gambar yang terletak di dinding.

Ditilik dari bahagian lain manusia itu hidup di antara dua alam – alam malaikat dan alam haiwan.

Malaikat adalah makhluk yang suci dan haiwan makhluk yang rendah dan hidupnya tidak teratur. Manusia itu boleh hidup meningkat ke darjat malaikat dan ia boleh juga jatuh ke darjat haiwan bahkan lebih rendah daripada itu lagi.

Kalau ia menggunakan akal, ilmu pengetahuan dan berakhhlak baik, atau berjalan menurut garisan-garisan kemanusiaan yang telah ditentukan oleh Tuhan nescaya ia akan dapat meningkat ke darjat malaikat, dan kalau sebaliknya ia akan menjadi sedarjat dengan haiwan.

Ringkasnya dengan menggunakan akal, ilmu pengetahuan pada tempatnya dan berakhhlak baik manusia akan mendapat gelaran malaikat. Tetapi kalau ia menghabiskan umurnya untuk memuaskan nafsu kebinatangannya, tidak berakal atau berbuat menurut garis-garis kemanusiaan, ia boleh jadi bodoh sebagai kerbau atau rakus sebagai babi atau dendki sebagai unta atau sompong dan bongkak sebagai harimau, atau menipu sebagai kancil. Nescaya pada ketika itu darjatnya setingkat dengan haiwan.

Kalau seseorang mempunyai sifat-sifat haiwan itu maka

ketika itu bulan lagi ia sedarjat dengan haiwan bahkan lebih rendah daripada itu iaitu darjat “syaitan al-rajiim”. Inilah ia yang dikatakan mempunyai mata tetapi buta, mempunyai telinga tetapi pekad, mempunyai lidah dan mulut tetapi bisu, mempunyai hati laksana batu bahkan lebih keras daripada batu kerana batu boleh berlubang dengan titisan air atau runtuh ke bumi kerana takut kepada Tuhan. Tuhan telah diisyaratkan dalam firman-Nya al-Quran tentang manusia yang begini maksudnya; “Dan banyak daripada jin dan manusia yang mempunyai hati tetapi tidak mau mengerti dengannya, dan mempunyai mata tetapi tidak mau melihat dengannya dan mempunyai telinga tetapi tidak mau mendengar dengannya; mereka itu seperti binatang bahkan lebih sesat : adalah mereka itu orang-orang yang lahai” – al-Quran surah Al-Araf ayat 179. – Karangan Tuan Muhammad Ali dipetik daripada majalah Al-Lisan.

(bersambung)

BOHONG

Bohong sifat pembawa lembab

B Bodohnya ditunjukkan dengan tak bersetbab
Benda tak pernah mengaku menyebab

Bauannya hina hingga berdebab
Walau kerja atau penghulu

W Waktu bercakap bertalu-talu
Walhal pembobong tak tau silu

Wah! Memang dianya tak bermalu.
Hampas masyarakat lagi hodoh

H Hampa fikirannya lagi bodoh
Hidupnya payah suka bergaduh

Hingga janjinya selalu mengaduh.
Ngukuhkan cakap bersuara lantang

NG Ngelakkan jangan dapat ditentang
Ngecohkan akal pagi dan petang

Ngong!! Jinjingnya tertinggal bunting.

Harun D.L Singapura.